

北京圖書館 編

北京圖書館藏珍本
年譜叢刊



第 13 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 13 冊



第十三冊目錄

范文正公年譜		一
范文正公年譜		二〇三
宛陵先生年譜		三二七
廬陵歐陽文忠公年譜		三八九
增訂歐陽文忠公年譜		四五一
歐陽文忠公年譜		五八五
趙清獻公年譜		六九三
直講李先生年譜		七一九

范文正公年譜

四明樓鑰編次

五世孫之柔校正

公昔遠祖博士范滂為清詔使裔孫履承為唐丞相鸞臺鳳閣平章事世居河內四世祖上桂國隨懿宗朝咸通二年任幽州良鄉主簿諸書猶存至十一年遷處州麗水縣丞一支渡江中原亂離不克歸子孫遂為中吳人曾祖夢齡仕吳越中身雖度判官宋贈太師徐國公祖贊時仕吳越元歲子出身終祕書監宋贈太師唐國公父壻從孫歸宋任武寧軍節度掌書記武寧軍節度封太師周國公文正公即書記第三子也諱仲淹字希文

二年己丑八月癸酉二日丁丑歲辛丑月庚子日
而孤母夫人謝氏貧無依再適潯州長山朱氏亦
以朱爲姓名說上長白山僧舍脩學彌積後居
南都郡庠五年大通六經之旨爲文章論說必本
於仁義孝弟忠信祥符八年年二十七歲舉進士
禮部選第一遂中乙科初任廣德軍司理後迎侍
母夫人至姑蘇欲還范姓而族人有難之者公堅
請云止欲歸本姓他無所覬始許焉至天禧元年
爲亳州節度推官始奏復范姓其後名益大位益
顯嘗語諸子弟曰吾吳中宗族甚衆於吾固有親
疎然以吾祖宗視之則均是子孫固無親疎也吾
安得不卹其飢寒哉且自祖宗來積德百餘年而

始發於吾得至大官若獨享富貴而不卹宗族異
日何以見祖宗於地下亦何以入家廟乎故恩例
俸賜嘗均族人盡以俸餘買田於蘇州號曰義莊
贍養宗族無間親疎日有食歲有衣嫁娶凶葬咸
有贍給公爲人外和內剛樂善汎愛喪母時尚貧
終身非賓客食不重肉臨財樂施意豁如也及退
而視其私妻子僅給衣食其於富貴貧賤毀譽歡
戚不一動其心而慨然有志於天下常自誦曰士
當先天下之憂而憂後天下之樂而樂也其事主
獨人一以自信不擇利害爲趨捨凡有所爲必盡
其力以爲之自我者當如是其成與否有不在我
者雖聖賢不能必吾豈苟哉公爲政所至民多

祠畫像其行已臨事自山林處士里閭田野之人

外至夷狄莫不知其名字而樂道其事仕至參知

政事謚文正

道地曰文內外交服曰正

有文集二十卷

別集五卷蘇軾作序政府論事三卷奏議十七卷

韓琦作序娶李氏參政昌齡女也公有四子長曰

純佑歷守將作監主簿自幼讀書為文章籍籍可

稱嘗侍公城馬鋪寨率兵馳據其地西戎兵衆大

至且戰且督不數日而成其城一路恃以為安次

曰純仁字堯夫皇祐元年進士相繼宗謹惠宣御

書世濟忠直之碑高宗朝贈太師追封許國公次

曰純禮字彛叟仕至尚書右丞次曰純粹字德孺

仕至龍圖閣學士戶部侍郎知河南府

太宗皇帝端拱二年己丑秋八月丁丑公生於徐州

節度掌書記官舍

按公神道碑及國史皆云年十四薨于皇祐四年也

淳化元年庚寅丁父太師憂年二歲

太中祥符元年戊申年二十歲

按公謨鄆郊友人王鎬墓表云君之父贊善公衮慷慨有英氣善爲唐律詩歷著作通判會太守不法憤而辱之失官居長安中與豪士遊縱飲浩歌有嵇阮之風人特駭之公不安其高復起家就祿得請監終南山上清太平宮從吏隱也時祥符紀號之初戴某薄遊至止及公之門因與君交相與嘯詠於鄆杜之間

二年己酉年二十一

歲讀書長白山

醴泉寺

是歲改科

舉進士擢言行錄載凍水記聞曰范公少習朱氏
學學究年雖少奇士也他日不惟爲顯官當
與人不款曲幾客退獨留范公引入中堂謂其夫
人曰朱學究年雖少奇士也他日不惟爲顯官當
立盛名於世叅坐置酒待之如骨肉人莫測其何
以知之也

三年庚戌年二十二歲書長白山按東軒筆錄公與
劉某同在長白山離泉寺僧舍讀書日作粥一器
分爲四塊早暮取二塊斷齋數莖入少鹽以啗之
如此者三年

四年辛亥年二十三詢知世家感泣去之南都入學
舍掃一室晝夜講誦其起居飲食人所不堪而公

自刻益苦按家錄云公以朱氏兄弟清貧不節
勸止之朱兄弟不樂曰我自用朱氏錢何預汝事
公聞此疑駭有告者曰公乃姑蘇范氏子也太夫
人携公適朱氏公感憤自立決欲自樹立門戶佩
琴劍徑趨南都謝夫人亟使人追之既及公語之
故期十年登第來迎親

七年甲寅年二十六有睢陽學舍書懷詩在南都學
舍家錄云真宗謁太清宮幸亳駕次南京皆往觀
之獨公不出或以問公公曰異日見之未晚留守
有子居學見公食粥及不出觀駕歸告其父以公
厨食饋公既而悉已敗矣留守子曰大人聞公清
苦故遺以食物而不下筋得非以相浼爲罪乎公

謝曰非不感厚意蓋食粥安之也今遷居盛饌
後日豈能啗此粥乎又按遺事云公處南都學舍
晝夜苦學五年未嘗解衣就枕夜或昏怠輒以水
沃面徃徃饘粥不充日具始食

八年乙卯

甲第九十七名試置天下如置器賦退子以恐懼
脩省詩順時知微何先論登第後有詩云長白一
寒儒名登二紀餘百花春滿路二月雨隨軍鼓吹
迎前道煙霞指舊廬鄉人莫相羨教子讀詩書調
廣德軍司理參軍按張唐英撰公傳云祥符八年
登進士第朱說者是也又按汪藻撰祠堂記云公
以進士釋褐爲廣德軍司理參軍日抱具獄與水

守爭是非守數以盛怒臨之公不為屈歸必記其
往復辯論之語于屏上比去字無所容實正一馬
鬻馬徒步而歸非明於所養者能如是乎獄官有
亭以公名之者舊矣公既登仕版始迎其母以養
初廣德人未知學公得名士三人為之師於是郡
人之擢進士第者相繼于時

天禧元年丁巳年二十九遷入林郎權集慶軍

按九

臺州節度推官始復范姓其表略云名非霸越乘
舟偶效於陶朱志在投秦入境遂稱於張祿用事
最為親切

二年戊午年三十歲為譙郡從事

事州

為龍圖楊給

事文曰余歲三十兮從事于譙獨棲難安兮孤

易搖公方監郡兮風采翹翹一顧而厚兮甚乎神
交又太子中舍上官融墓銘云奈天禧中爲譙之
從事秋八月進皇儲資聖頌

三年己未年三十一除祕書省校書郎

四年庚申年三十二是歲校書省省守官集慶

五年辛酉年三十三監泰州西溪鎮鹽倉有西溪見
牡丹詩西溪書事按皇朝類苑云初呂文靖嘗官
于此手植牡丹有詩刻後公復題一絕後人以二
公詩故題詠極多而花亦爲人重護以朱欄歲久
益茂爲西陵奇觀

仁宗皇帝乾興元年壬戌年三十四歲按文集冬十
二月有上張知白右丞書稱文林郎試祕書省校

書郎權集慶軍推官監泰州西溪鎮鹽倉

仁宗皇帝天聖元年癸亥年三十五公在西溪上言
寇準被誣事除興化令時富鄭公弱冠來謁公識
其遠大力教載而激勸之故其祭文略云昔弱初
冠識公海陵顧我譽我謂必有成我稔公德知己
服膺自是相知莫我公比一氣殊息同心異體始
未聞道公實告之未知學文公實教之肇復制舉
我憚大科公實激之既舉兩仕政則未諭公實飭
之徙楚州糧料院

二年甲子年三十六遷大理寺丞子純佑生

三年乙丑年三十七夏四月二十日上書請救文弊
復武舉重三館之選賞直諫之臣及華賞延之弊

四年丙寅年三十八丁母夫人憂有書與發運使張
綸言復海堰之利按李壽通鑑長編泰州海堰久
廢不治歲患海濤冒民田疇公言于發運副使張
綸請修復之綸遂奏以公知興化縣總其役難者
謂濤患不息則積潦必爲災綸曰濤之患十九而
潦之患十一獲多亡少豈不可乎役遂興會大雨
雪驚濤洶湧役夫散走旋泞而死者百餘人衆謹
言曰堰不可成復詔遣中使按視將罷之又詔准
南轉運使胡令儀同公度其可否令儀力主公議
而公尋以憂去綸表請身自督役踰年堰成民至
今享其利又按記聞泰州皆濱海舊日潮水
皆至城下田土斥鹵不可稼穡文正公監五溪鹽

自于朝請不擇海堤於三川之境長數百里
以備民田朝廷從之以公爲興化令掌斯役發通
泰楚海四州民夫治之既成民享其利興化之民
往往以范爲姓

五年丁卯年三十九夏六月丁亥子純仁生時公寓
南京應天府按公言行錄云時晏丞相殊爲留守
遂請公掌府學公常宿學中訓督學者皆有法度
勤勞恭謹以身先之由是四方從學者輻湊其後
以文學有聲名於場屋朝廷者多其所教也是年
有上執政書略云蓋聞忠孝者天下之大本也其
孝不逮忠可忘乎所以冒哀上書言國家事不以
一心之戚而忘天下之憂請辭守舉縣令斥游惰

去冗僭遴選舉敦教育養將材保直臣斥佞臣使
朝廷無過生靈無怨以杜姦雄凡萬餘言東軒筆
錄云公在睢陽掌學有孫秀才者索遊上謁公贈
錢一千明年孫生復謁公又贈一千因問何爲汲
汲於道路孫生戚然動色曰母老無以養若日得
百錢則甘旨足矣公曰吾觀子辭氣非乞客二年
僕僕所得幾何而廢學多矣吾今補子爲學職月
可得三千以供養子能安於學乎孫生大喜於是
授以春秋而孫生篤學不舍晝夜行復脩謹公甚
愛之明年公去睢陽孫亦辭歸後十年間泰山下
有孫明復先生以春秋教授學者道德高邁朝廷
召至乃昔日索遊孫秀才也有送李紘殿院赴